



Kalaallit Nunaanni akuersissuteqarnermik tunngaveqartumik kinguaassiutitigut pinngitsaaliisarnermut aalajangersagaq inuit pisinnaatitaaffiini siuariarneruvoq

Kalaallit Nunaanni politikerit maannakkorpiaq oqallisigaat Kalaallit Nunaanni pinerluttulerinermik inatsimmi kinguaassiutitigut pinngitsaaliisarnermut aalajangersakkamik eqqussinissamut siunnersuut, akuersissuteqarnissamut piumasaqaammik tunngaveqartoq. Inuit Pisinnaatitaaffii pillugit Instituttip Kalaallit Nunaanni Inuit Pisinnaatitaaffii pillugit Siunnersuisoqatigiit aamma Kalaallit Nunaanni Naligiissitaanermut Siunnersuisoqatigiit peqatigalugit nalilerpaa, Kalaallit Nunaanni akuersissuteqarnermik tunngaveqartumik kinguaassiutitigut pinngitsaaliisarnermut aalajangersagaq inuit pisinnaatitaaffiini siuariarnerussasoq.

2021-mili Kalaallit Nunaanni kinguaassiutitigut pinngitsaaliisarneq pillugu inatsimmik, akuersissuteqarnermik tunngaveqartumik piumasaqaateqarfiusumik eqqussinissaq oqallinneq sulinerlu aallartinneqarnikuuvoq. Taamaasilluni Kalaallit Nunaat nunarsuarmi akuersissuteqarnermik tunngaveqartumik inatsisunik atulersitsinissap tungaanut sammivimmuut ilaalerpoq, soorlu ass. Sverigemi, Norgemi, Danmarkimi, Islandimi Tuluillu Nunaanni taamaaliortoqartoq.

NP-ip Arnanik Immikkoortitsisarnerit Suulluunniit Atorunnaarsinneqarnissaat pillugu Arnat pillugit Ataatsimiititaliarsuata (Arnat pillugit Ataatsimiititaliarsuaq) marsi 2021-mi oqaaseqaatsimini inerniliissutini innersuussutigaa, Kalaallit Nunaat kinguaassiutitigut pinngitsaaliineq pillugu aalajangersakkamik akuersissuteqarnissamik piumasaqaateqarnermik tunngaveqartumik eqqussisariaqartoq.¹

KALAALLIT NUNAANNI KINGUAASSIUTITIGUT PINNGITSAALIISARNEQ

Kalaallit Nunaanni Politiit kisitsisaataasa takutippaat, 2020-mi innuttaasut 1000-iugaangata 13,3-t kinguaassiutitigut pinerluffigineqarsimasut.²

Kalaallit Nunaanni kinguaassiutitigut pinngitsaaliinernik nalunaarutiginninnerit amerlassusaat qaffakkiartorpoq. 2017-imi 132-iupput, 2018-imi, 156-it, 2019-imi 207-it 2020-milu 240-t. Qaffariarneq arlalinnik pissuteqarsinnaavoq. Assersuutigalugu suliassaqarfimmuut eqqumaffiginninnerujussuaq Kalaallit Nunaanni kinguaassiutitigut pinngitaaliinernik nalunaarutiginninnerit amerlinerannut pissutaaqataasinnaavoq.

Kalaallit Nunaanni pinerluttulerinermut inatsimmi taamaallaat pineqaatissiisoqarsinnaavoq, pinngitsaaliisoqarsimappat imaluunniit pinerluffigineqartup iliuitsimut akiuussinnaasimangippat.



Kalaallit Nunaanni akuersissuteqarnermik tunngaveqartumik kinguaassiutitigut pinngitsaaliisarnermut aalajangersagaq inuit pisinnaatitaaffiini siuariarneruvoq

KALAALLIT NUNAANNI PINERLUTTULERINERMUT INATSIMMI § 77 KINGUAASSIUTITIGUT PINNGITSAALIINEQ PILLUGU AALAJANGERSAGAQ

”Kinguaassiutitigut pinngitsaaliinermut eqqartuunneqassaaq

1. nakuusernikkut imaluunniit nakuusernissamut siorasaaruteqarluni atoqateqarnermut imaluunniit allatigut kinguaassiutitigut pinngitaaliisoq imaluunniit
2. inummut, iliuuseqarnermik qanoq issuseq imaluunniit pissutsit naapertorlugit akiuussinnaanngitsumut atoqateqartoq imaluunniit kinguaassiutitigut pinngitsaaliisoq, imaluunniit
3. meeqqamik 12-it ataallugit ukiulimmik atoqateqartoq imaluunniit allatut kinguaassiutitigut atoqateqartoq.”

Imm. 2. Tamatumunnga aamma atuuppoq, pissutsini imm. 1-imut atassuteqanngitsuni, inerteqqutaasumik pinngitsaaliilluni atoqateqartoq imaluunniit kinguaassiutitigut allatut atoqateqartoq, tak. § 91.³

AKUERSISSUTEQARNERMIK TUNNGAVEQARTUMIK PINNGITSAALIISARNERMUT AALAJANGERSAKKAP ILUAQUTISSARTAI

Akuersissuteqarnermik tunngaveqartumik pinngitsaaliisarnermut aalajangersakkap atoqateqartarnermi nammineq aalajangiisinnanermut pisinnaatitaaffik nukittorsassavaa, aalajangersakkami ersarissarneqassamat, atoqatigiinneq tamatigut illugiiffiussasoq.

Akuersissuteqarnermik tunngaveqartumik pinngitsaaliisarnermut aalajangersakkattaq pinerluffigineqarsimasup eqqartuussivimmik naapitsinerani ukkatarinninnermik allamik pilersitsisinnaavoq. Pinerluffigitissimasup naammaginantumik pinaasersimanerata apeqquserneqarneranit, illua-tungeriit atoqatigiinnerup illugiinneranik qulakkeerinnissimanerannut ukkatarinnilersitsisissaaq.

Naggataagut akuersissuteqarnermik tunngaveqartumik pinngitsaaliisarnermut aalajangersakkap kiisalu akuersinissaq pillugu eqqumaffiginninnerulernerup nassatarisinnaavaa, pinngitsaaliineqarlutik pinerluffigineqarsimasut amerlanerusut pinerluttoq politii nut nalunaarutigisalisagaat.

Kalaallit Nunaanni akuersissuteqarnermik tunngaveqartumik kinguaassiutitigut pinngitsaaliisarnermut aalajangersagaq inuit pisinnaatitaaffiini siuariarneruvoq

Danmarkimi Rigspolitiinit kisitsisit nutaat takutippaat, Danmarkimi januar 2021-mi akuersissuteqarnermut inatsimmik eqqussisoqarneraniilli, kinguaassiutitigut pinngitsaaliineq pillugu nalunaarutit unnerluussinerillu malunnartumik amerleriarsimanerat. 2020-mi ataatsimut isigalugu kinguaassiutitigut pinngitsaaliinermut nalunaarutit 1.392-iupput unnerluussinerillu 1.078-iullutik. Piffissami 1. januar-23. november 2021-mi 2020-mut sanilliullugu nalunaaruteqarnerit amerlanerulereerput kiisalu unnerluussinerit amerlanerulereerlutik, tassani politiit kinguaassiutitigut pinngitsaaliinermut nalunaarutit 1.720-it nalunaarsorsimmagiti kiisalu 1.315-inik unnerluussisimallutik.⁴

INUIT PISINNAATITAAFFIINI SIUARIARNEQ

Inuit Pisinnaatitaaffii pillugit Instituttip, Kalaallit Nunaanni Inuit Pisinnaatitaaffii pillugit Siunnersuisoqatigiit aamma Kalaallit Nunaanni Naligiissitaanermut Siunnersuisoqatigiit taamaasillutik nalilerpaat, Kalaallit Nunaanni kinguaassiutitigut pinngitsaaliineq pillugu aalajangersagaq akuersissuteqarnermik tunngaveqartoq inuit pisinnaatitaaffiini siuariarnerussasoq, allannguut:

- Namineq aalajangiisinaanermut pisinnaatitaaffik kiisalu atoqateqartarnermi inuttullu innarligaasusnaannginneq nukittorsarneqassammata.
- Politiit misissuineranni annertunerusumik ukkatarineqalissammat, atoqateqarneq akuersissuteqarnermik tunngaveqarluni pisimansoq, pinerluffigineqartup akiuussimanagera ukkatarineqarnani.
- Kinguaassiutitigut pinngitsaaliinerit aamma pinngitsaaleeriarnert pillugit nalunaarutiginninnerit amerlineranik sunniuteqarsinnaammat, taamaasillutillu kisitsisit ullumikkut nalunaarutigineqarneq ajortut annikillissallutik.

1 Paasisanit inerniliinerit (Concluding observations), CEDAW-imit. Tuluttut uani atuarneqarsinnaavoq: https://tbinternet.ohchr.org/_layouts/15/treatybodyexternal/Download.aspx?symbolno=INT/CEDAW/COC/DNK/44503&Lang=En

2 Kalaallit Nunaanni Politiit, Ukiumoortumik Kisitsisit 2020, qupp. 10, uani qallunaatut atuarneqarsinnaavoq: <https://politi.gl/statistik-og-udgivelser/aarsstatistik> NB: nye tal offentliggøres formentlig i februar 2022.

3 Kalaallit Nunaanni pinerluttulerinermut inatsimmut nalunaarut nr. 306, 30. april 2008-meersoq, § 1 inatsimmi nr. 735, 25. juni 2014-meersumi, § 4 inatsimmi nr. 103, 3. februar 2016-imeersumi, § 2 inatsimmi nr. 149, 7. februar 2017-imeersumi aamma § 1 inatsimmi nr. 168, 27. februar 2019-imeersumi allannguuteqarfiusoq. Uani atuarneqarsinnaavoq: <https://www.lovtidende.dk/documentts?dt=10&dt=20&dt=30&dt=90&dt=120&dt=270&dt=60&dt=100&dt=80&dt=110&dt=130&dt=1510&t=Kriminallov%20qr%C3%B8nland>

4 Justitsministeriamit 7. december 2021-mi tusagassioffinnut nalunaarut. Qallunaatut uani atuarneqarsinnaavoq: [Stigning i voldtægtsanmeldelser og -sigtelser efter ny samtykkebestemmelse | Justitsministeriet](#)